



REGLUGERÐ UM ÍSLANDSMÓT Í GOLFI Í UNGLINGAFLOKKUM 15 ÁRA OG ELÐRI

1. kafli

1. gr.

GSÍ gengst árlega fyrir Íslandsmóti í unglingsflokkum í golfi.

2. gr.

Stjórn GSÍ skal auglýsa mótið og hafa yfirumsjón með framkvæmd þess. Hún skal skipa mótsstjórn í samráði við klúbbinn þar sem mótið fer fram a.m.k. einum mánuði fyrir mótið. Viðkomandi klúbbur skal skipa a.m.k. einn dómara leggja dómurum og mótsstjórn til golfbíla, talstöðvar eða önnur fjarskiptatæki og sjá um kostnað vegna mótsstjórnar og dómara. Skipaður dómari skal hafa landsdómararéttindi. Framkvæmd mótsins skal vera í samræmi við lágmarkskröfur í viðauka I.

3. gr.

Stjórn GSÍ ákveður þáttökugjöld sem renna til klúbbsins þar sem mótið fer fram.

GSÍ á allan rétt gagnvart ljósvakamiðlun frá mótinu. Sá klúbbur sem heldur mótið á hverjum tíma skal útvega fjölmiðlum viðeigandi aðstöðu í klúbbhúsi. Stjórn GSÍ hefur rétt til að kynna samstarfsaðila sína á þeim golfvöllum sem Íslandsmótið fer fram, í formi skilta, með fánum eða öðrum þeim hætti sem stjórn GSÍ ákveður. Þá skal merki GSÍ ávallt koma fram á öllu því efni sem útgefið er í sambandi við mótið og jafnframt vörumerki þeirra aðila sem eru samstarfsaðilar GSÍ að mótinu.

4. gr.

Mótsstjórn ákveður skráningarfrest, en getur þó heimilað þáttöku berist tilkynning síðar, enda hafi hámarksfjölda þátttakenda ekki verið náð.

5. gr.

Almennir keppnisskilmálar og almennar staðarreglur, sem stjórn GSÍ setur, skulu gilda í mótinu. Mótsstjórn getur þó auglýst viðbætur og frávik ef þörf krefur. Jafnframt skal hún hafa eftirlit með merkingum vallar og holustaðsetningum og getur ákveðið breytingar. Þá getur mótsstjórn ákveðið að fresta eða fella niður umferð eða umferðum vegna veðurs. Staðarreglur og keppnisskilmálar skulu vera fyrir hendi þegar á fyrsta æfingadegi.

Öll notkun tóbaks, þ.m.t. munntóbaks, er bönnuð í klúbbhúsum og á keppnisvelli.

6. gr.

Þáttökugjöld skulu greidd við skráningu. Þáttökugjald fæst einungis endurgreitt séu forföll boðuð eigi síðar en kl. 18:00, þremur dögum fyrir fyrsta keppnisdag.



2.kafli

7. gr.

Þátttökurétt hafa (a) íslenskir ríkisborgarar og (b) erlendir kylfingar eftir a.m.k. þriggja ára samfellda búsetu hérlandis. Þátttakendur skulu vera félagar í golfklúbbi innan vébanda GSÍ.

Kept skal í eftirtöldum flokkum:

Stúlknaflokkur	15-16 ára, hámarksforgjöf 20,0
Stúlknaflokkur	17-18 árs, hámarksforgjöf 15,0
Piltaflokkur	15-16 ára, hámarksforgjöf 20,0
Piltaflokkur	17-18 ára, hámarksforgjöf 15,0

Aldur miðast við almanaksár. Hámarksforgjöf miðast við forgjöf þátttakanda kl. 8:00 morguninn eftir að skráningarfresti lýkur.

Þátttökurétt í hverjum flokki hafa, í þessari röð:

1. Sextán efstu leikmenn á unglíngastígalista GSÍ á yfirstandandi ári í viðkomandi flokki, þegar skráningarfresti lýkur. Ef tveir eða fleiri leikmenn eru jafnir í 16. sæti skulu þeir báðir/allir fá þátttökurétt.
2. Sex efstu leikmenn í viðkomandi flokki á stígalista GSÍ á yfirstandandi ári, þegar skráningarfresti lýkur. Ef tveir eða fleiri leikmenn eru með jafn mörg stig í 6. sæti skulu þeir báðir/allir fá þátttökurétt.
3. Aðrir leikmenn sem fjærst eru forgjafarmörkum í sínum flokki kl. 8:00 morguninn eftir að skráningarfresti lýkur. Standi val á milli keppenda með forgjöf jafn langt frá forgjafarmörkum skal hlutkesti ráða.

Hámarksfjöldi leikmanna í hverjum flokki er 36 leikmenn. Ef ekki fyllist í flokkinn en umframskráning er í öðrum flokkum fá þeir kylfingar sem næst eru forgjafarmörkum í sínum flokki þátttökurétt þar til hámarksfjölda er náð

Allir flokkar leika 54 holu högggleik án forgjafar.

Að loknum 36 holum skal leikmunnum fækkað þannig að 70% leikmanna sem eru með besta skor í hvorum flokki halda áfram keppni. Séu tveir eða fleiri leikmenn á jafnir með hæsta skor þeirra sem halda áfram skulu þeir báðir/allir leika áfram.

Mótsstjórn er heimilt að fjölga keppendum í einstökum flokkum til að fylla í ráshópa, jafnvel þótt heildarfjöldi keppenda fari við það yfir 144.

8. gr.

Skyllt er að keppnisvellir sé opnir til æfinga fyrir skráða keppendur í minnst 2 daga fyrir mót. Heimilt er mótsstjórn að takmarka æfingu við eina umferð og skipuleggja rástíma ef með þarf.



9. gr.

Ef jafnt er að loknum 54 holum skal leika bráðabana um 1. sæti. Ekki skal leikið um önnur sæti, heldur teljast viðkomandi leikmenn jafnir. Veita skal þrenn verðlaun í hverjum flokki og skal farandgripur fylgja 1. verðlaunum.

10. gr.

Mótsstjórn ákveður rástíma og leikröð keppenda og skal hún kynnt ekki síðar en á fyrsta æfingadegi.

11. gr.

Sigurvegarar hljóta titlana Íslandsmeistari viðkomandi flokks.

12. gr.

Að öðru leyti gilda móta- og keppendareglur GSÍ.

Þannig samþykkt af stjórn GSÍ 28. apríl 2025.



VIÐAUKI I

Kröfur um framkvæmd og umgjörð

Eftirfarandi lágmarkskröfur eru gerðar til mótsstjórnar um framkvæmd og umgjörð mótsins.

1. Fánar

Á mótsstað skal flagga a.m.k. íslenska fánanum, fána klúbbsins þar sem mótið fer fram og fána GSÍ.

2. Ræsing

Fulltrúi mótsstjórnar skal sjá um ræsingu allra ráshópa.

3. Skil skorkorta

Afmarka skal sérstakt skilasvæði skorkorta (helst lokað herbergi). Þar skal fulltrúi mótsstjórnar taka á móti öllum leikmönnum að leik loknum og aðstoða þá við frágang skorkorta. Starfsmaðurinn skal m.a. bera skor leikmanna undir þá og tryggja að engu sé ábótavant í útfyllingu skors og undirritun skorkorta.